

DEN TUR COS...

Fotos y Texto: Jan Poets

IMPRESIONANTE DEBUT DI SIDNEY PONSON CU NY YANKEES...

SIDNEY DEN SU PROME WEGA CU YANKEES TA GANA E PREMIO "PLAYER OF THE GAME"...

HISTORICO TRANSMISION DI TELE ARUBA...



**** SIDNEY ALTON PONSON,** den su prome wega cu NY Yankees ta gana e premio di "Player of the Game. Sidney a demostra su cualidadnan di ta un gran pitcher di grandes ligas y den futuro cercano por bai spera sorpresanan grandi di nos unico yiu di tera den grandes ligas. E prome pitcheonan di Sidney Ponson a resulta den un homerun pa tres careda. Impresionante tabata pa mira con despues di e homerun aki, Sidney a demostra su tranquilidad y inteligencia pa domina e bateadornan di Seattle Mariners y hasta a poncha 5. Admirable tabata na momento cu manager Joe Torre den presencia di demas peloteronan di Yankees a despedi di Sidney cu un


tremendo elogio cu a pone un big smile riba cara di Sidney. Cu e big smile aki Sidney a baha for di tereno bao di un yobida di aplauso di e gran fanaticada di Yankees, kendenan a lanta para riba nan pia den e historico parke di Bronx, pa brinda nos astro pitcher un merecido standing ovation. Momentonan historico cu a trece hopi alegria sigur den e pueblo di Noord, e bario nativo di Sidney y naturalmente cerca tur e Arubianonan di buena fe. Palabranan di felicitacion pa Sidney Ponson y cu DIOS lo drama su Bendicion riba dje pa e por cosecha exitonan grandi cu NY Yankees y asina duna nos dushi Pais Aruba un extra atencion den e lucrativo ciudad "The Big Apple", Nueva York, NEW YORK....



**** Poets TV kier a gradici Colochi Bikker y su panel di transmision, Edson Kelly, Carryl Kelly y Eddie Daou pa e gesto di invitacion durante e wega di e gran debut di Sidney Ponson cu NY Yankees. Prome cu wega, Poets TV a anuncia publicamente cu awor e tin motibo di ta un fan di NY YANKEES...**



**** Aki por aprecia Chu Halabi hunto cu e incansable tecniconan di Tele Aruba, kendenan a percura pa e transmision, Leo Maduro, Albino Tromp, Landray Ascencion y Colochi Bikker presentador di Deporte. Chu Halabi tabata sumamente contento y satisfecho di e tremendo labor di Sidney Ponson. Chu a duna di conoce cu e forma cu el a mira Sidney pitcha, Aruba por bai spera sorpresanan grandi den futuro di Sidney cu NY Yankees...**



**** Sharity y Omar Muyale ta pose cu e T-Shirt cu den tempo record a ser diseña specialmente pa e gran debut di Sidney cu NY Yankees. E T-Shirt aki sigur lo keda como un recuerdo historico di e gran debut di Sidney cu NY Yankees riba e fecha di 18 di July 2006..**



**** Amigonan di Sidney Ponson tambe tabata invitadonan di honor durante e historico transmision di Tele Aruba. Cada strike, ponche y out cu Sidney y Yankees tabata saca, e mannan tabata bai halto pa purba yega den Bronx. Despues cu e cerbez Balashi a yega, e mannan tambe a stop di bai halto....**